



ZAPISNIK O RADU 16. SJEDNICE KOLEGIJA GRADSKOG VIJEĆA GRADA SARAJEVA održane 21.11.2017. godine

Broj: 01-GV-02-1828/17

Datum: 21.11.2017. godine

Prisutni:

1. Dr. Igor Gavrić, Predsjedavajući Gradskog vijeća
2. Mira Jurić, zamjenica Predsjedavajućeg Gradskog vijeća
3. Edina Gabela, zamjenica Predsjedavajućeg Gradskog vijeća
4. Prof. dr. Velija Katica, predsjedavajući Kluba gradskih vijećnika SDA
5. Miro Lazović, predsjedavajući Kluba gradskih vijećnika SDP-a
6. Samir Fazlić, po ovlaštenju Vibora Handžića, predsjedavajućeg Kluba gradskih vijećnika Naše stranke
7. Sead Srna, predsjedavajući Kluba gradskih vijećnika "ASA"
8. Lana Velić, predsjedavajuća Kluba gradskih vijećnika DF
9. Mr. Tea Dreković, predsjedavajuća Kluba gradskih vijećnika SBB
10. Nuko Grebović, zamjenik predsjedavajućeg Kluba gradskih vijećnika GRAĐANSKI SAVEZ – SAVEZ ZA STARI GRAD
11. Bajro Biber, predsjedavajući Kluba gradskih vijećnika BOSS – USD
12. Srđan Srdić, predsjedavajući Kluba samostalnih gradskih vijećnika Srdić – Stojnić
13. Safet Krajišnik, sekretar Gradskog vijeća

Sjednici prisustvovali zamjenik Gradonačelnika Milan Trivić i zamjenik Gradonačelnika Ivica Šarić.

Sjednici je prisustvovala Mirjana Đanović Stanić, šef Odsjeka za stručne poslove u Gradskoj službi za Gradsko vijeće.

Predsjedavajući Gradskog vijeća Dr. Igor Gavrić je otvorio sjednicu, pozdravio prisutne i konstatirao kvorum za punovažan rad i odlučivanje.

Bez rasprave, na prijedlog Predsjedavajućeg Gradskog vijeća, većinom glasova, uz jedan "suzdržan" glas, usvojen je Zapisnik o radu 15. sjednice Kolegija Gradskog vijeća Grada Sarajeva održane 07.11.2017. godine.

Sjednica je započela jednoglasnim usvajanjem sljedećeg dnevnog reda:

1. Priprema za održavanje Devete sjednice Gradskog vijeća Grada Sarajeva
2. Razmatranje inicijative gradskog vijećnika Mire Lazovića, broj: 01-02-1702-2/17 od 25.10.2017. godine
3. Priprema za održavanje Dana državnosti Bosne i Hercegovine
4. Tekuća pitanja



Ad 1)

Predsjedavajući Gradskog vijeća je upoznao članove Kolegija o toku priprema za održavanje Devete sjednice Gradskog vijeća Grada Sarajeva, te je konstatirano, odnosno zaključeno sljedeće.

- Prema dogovoru sa prošle sjednice Kolegija Gradskog vijeća, Gradskom vijeću je dostavljena Informacija BH GAS d.o.o. o snabdjevenosti grada Sarajeva gasom za grijnu sezonu 2017/2018, ali nedostaje akt ovlaštenog predlagača da bi se, u skladu sa zaključkom Gradskog vijeća uvrstila u prijedlog dnevnog reda Devete sjednice Gradskog vijeća.

Gradonačelnik će, u pripremi sjednice, dostaviti Predsjedavajućem Gradskog vijeća akt kojim će predložiti Gradskom vijeću razmatranje ove informacije (zamjenik Gradonačelnika je na sjednici Kolegija, prihvatio ovu obavezu).

- Analiza privrednih kretanja na području Grada Sarajeva za period 2014.-2016. godina, programirana kao tema za razmatranje na sjednici Gradskog vijeća, dostavljena je kao informativni materijal.
- Komisija za izbor i imenovanja je utvrdila prijedloge odluka iz svog djelokruga, u skladu s dogovorom na prošloj sjednici Kolegija Gradskog vijeća.
- Etičko vijeće je utvrdilo i Prijedlog Etičkog kodeksa izabраних zvaničnika Grada Sarajeva.
- U međuvremenu je Gradonačelnik uputio Gradskom vijeću i dva nova prijedloga za razmatranje po skraćenom postupku i to:
 - Prijedlog Odluke o utvrđivanju postojanja javnog interesa za osnivanje Javne ustanove "Muzej savremene umjetnosti ARS AEVI Sarajevo"
 - Prijedlog Odluke o osnivanje Javne ustanove "Muzej savremene umjetnosti ARS AEVI Sarajevo"

Nadležna radna tijela će tokom sedmice razmatrati i ove materijale, te će izvještaji radnih tijela biti sukcesivno pridruživani predloženim aktima.

- Očekivani prijedlog dnevnog reda Devete sjednice bi glasio:
 1. Prijedlog Odluke o razrješenju članova radnih tijela Gradskog vijeća Grada Sarajeva (*Enes Peštek, Samir Imamović*)
 2. Prijedlog Odluke o izboru članova radnih tijela Gradskog vijeća Grada Sarajeva (*Adnan Gušo, Senka Ibrišimbegović*)
 3. Prijedlog Odluke o obrazovanju Odbora za dodjelu „Šestoaprilske nagrade Grada Sarajeva“ u 2018. godini
 4. Prijedlog Odluke o razrješenju sa funkcije predsjednika Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva
 5. Prijedlog Etičkog kodeksa izabраних zvaničnika Grada Sarajeva
 6. Prijedlog Odluke o izmjeni i dopuni Odluke o uslovima i načinu dodjele „Šestoaprilske nagrade Grada Sarajeva“
 7. Prijedlog Odluke o utvrđivanju postojanja javnog interesa za osnivanje Javne ustanove "Muzej savremene umjetnosti ARS AEVI Sarajevo"
 8. Prijedlog Odluke o osnivanje Javne ustanove "Muzej savremene umjetnosti ARS AEVI Sarajevo"
 9. Prijedlog Odluke o stavljanju van snage Odluke o kućnom redu u stambenim zgradama
 10. Izvještaj o preduzetim aktivnostima i toku priprema za održavanje EYOF 2019
 11. Izvještaj o realizaciji Projekta službene elektronske komunikacije u Gradskom vijeću Grada Sarajeva
 12. Informacija o izvršenju Budžeta Grada Sarajeva za period 01.01. do 30.09.2017. godine
 13. Informacija BH GAS d.o.o. o snabdjevenosti grada Sarajeva gasom za grijnu sezonu 2017/2018
 14. Vijećnička pitanja i inicijative

Ad 2)

Predsjedavajući Gradskog vijeća je dao uvodne napomene sljedećeg sadržaja.

Gradsko vijeće je svojim zaključkom odredilo Kolegij Gradskog vijeća za nositelja aktivnosti na realizaciji predmetne inicijative gradskog vijećnika Mire Lazovića.

Na prošloj sjednici Kolegija Gradskog vijeća je dogovoreno da članovi Kolegija Gradskog vijeća na ovoj sjednici predlože pojedince, odnosno relevantne institucije, čiji predstavnici bi bili pozvani za članove radnog tijela koje bi se odredilo o problematici s ciljem realizacije inicijative.

U skladu sa članom 14. Odluke o organizaciji i djelokrugu organa uprave Grada Sarajeva („Službene novine Kantona Sarajevo“, broj 27/17), Gradonačelnik može formirati komisije i angažirati naučne i stručne institucije ili pojedince radi pripremanja odgovarajućih akata ili materijala.

Poslije rasprave i sažetka Predsjedavajućeg Gradskog vijeća, jednoglasno je usvojen sljedeći **zaključak:**

U skladu sa članom 14. Odluke o organizaciji i djelokrugu organa uprave Grada Sarajeva („Službene novine Kantona Sarajevo“, broj 27/17), Gradonačelnik će formirati komisiju u kojoj će, pored Gradonačelnika, Predsjedavajućeg Gradskog vijeća i predstavnika Komisije za spomenike Gradskog vijeća, angažirati predstavnike naučnih i stručnih institucija koji se odazovu pozivu, i to:

1. Zavod za zaštitu kulturno-historijskog i prirodnog naslijeđa Kantona Sarajevo;
2. Federalno ministarstvo kulture i sporta - Sektor za kulturno-historijsko naslijeđe;
3. Komisija za očuvanje nacionalnih spomenika BiH;
4. Udruženje antifašista i boraca NOR-a;
5. Federalno ministarstvo za pitanja boraca i invalida odbrambeno-oslobodilačkog rata
6. Institut za istoriju Sarajevo;
7. Institut za istraživanje zločina protiv čovječnosti i međunarodnog prava Univerziteta u Sarajevu;
8. Historijski arhiv Sarajevo;
9. Koordinacija boračkih udruženja Kantona Sarajevo.

Ad 3)

Poslije kratkih uvodnih napomena Predsjedavajućeg, te rasprave, konstatirano je da Kolegij Gradskog vijeća nije upoznat sa sadržajem, odnosno protokolom planiranim za predstavnike Grada Sarajeva i gradske vijećnike, u okviru obilježavanja Dana državnosti BiH, te je dogovoreno da se informacije koje se očekuju po ovom pitanju, dostave gradskim vijećnicima uz poziv za Devetu sjednicu Gradskog vijeća kao informativni materijal.

Ad 4)

Predsjedavajući Gradskog vijeća je upoznao prisutne o pripremama, odnosno stvaranju uvjeta za održavanje Devete sjednice Gradskog vijeća u Vijećnici.

SEKRETAR GRADSKOG VIJEĆA
Safet Krajišnik, s.r.

PREDSJEDAVALJUĆI GRADSKOG VIJEĆA
Dr. Igor Gavrić, s.r.